



Broj:01- 61 /20
Datum: 16.01.2020. godine

Na osnovu člana 23. do 26. i člana 37. Zakona o namještenicima u organima državne službe u Federaciji BiH („Službene novine Federacije BiH” broj 49/05) 116. stav 2. Pravilnika o unutrašnjoj organizaciji službi za upravu Općine Travnik (Prečišćeni tekst „Službene novine Općine Travnik”, broj: 1/18, 13/18 i 8/19) i člana 8. Pravilnika o radnim odnosima („Službene novine Općine Travnik”, broj 8/17, 7/19 i 10/19), načelnik Općine Travnik, **r a s p i s u j e**

O G L A S za prijem pripravnika u radni odnos na određeno vrijeme

I. Naziv pozicije

Pozicija - pripravnik – SSS IV stepen, gimnazija, ekonomska ili upravna škola – 2 izvršioca

Za pripravnika će se primiti oni kandidati koji nemaju radnog iskustva nakon završene srednje škole i koji se prvi put zapošljavaju.

Radni odnos pripravnika zasniva se na određeno vrijeme u trajanju od 9 mjeseci - 6 mjeseci pripravničkog staža i još 3 mjeseca po isteku pripravničkog staža u kojem pripravnik polaže stručni ispit za namještenike.

Pripravnički staž će se obavljati u skladu sa Programom stručnog osposobljavanja pripravnika u službama za upravu organa državne službe Općine Travnik („Službene novine Općine Travnik“, broj: 1/17).

II. Opći uvjeti:

Kandidati moraju ispunjavati opće uvjete predviđene članom 24. stav 1. Zakona o namještenicima u organima državne službe u Federaciji BiH i to:

- Da su državljani BiH,
- Da su stariji od 18 godina,
- Da su zdravstveno sposobni za obavljanje poslova za koje se prijavljuju,
- Da kandidat nije obuhvaćen članom IX,1. Ustava Bosne i Hercegovine.

III. Posebni uvjeti

- SSS gimnazija, ekonomska ili upravna škola
- poznavanje rada na računaru

IV. Spisak potrebnih dokumenata

Kandidati su dužni uz prijavu, koja sadrži naznaku za koju se poziciju kandidat prijavljuje, priložiti i kraću biografiju, adresu i kontakt telefon, te sljedeću dokumentaciju:

- Uvjerenje o državljanstvu

OB 007

Strana 1 od 2



- Rodni list
- Ovjerenu izjavu kandidata da nije obuhvaćen odredbom člana IX 1. Ustava BiH
- Diploma o završenom stepenu obrazovanja – SSS gimnazija, ekonomska ili upravna škola
- dokaz o poznavanju rada na računaru - dostaviti svjedodžbe odgovarajućih razreda srednje škole u kojima je upisana informatika kao predmet, ili dostaviti uvjerenje, certifikat, potvrdu drugih institucija koje se bave obukom za rad na računaru,
- Dokaz da nema ostvaren radni staž i iskustvo nakon sticanja diplome SSS IV stepen, gimnazija, ekonomska ili upravna škola – uvjerenje Zavoda PIO/MIO o podacima registrovanim u matičnoj evidenciji
- potvrda da je prijavljen na evidenciju nadležne Službe za zapošljavanje sa školskom spremom SSS IV stepen, gimnazija, ekonomska ili upravna škola

Svi dokumenti koji se prilažu uz prijavu moraju biti u originalu ili ovjerenoj kopiji.

Uvjerenje o zdravstvenoj sposobnosti izabrani kandidat je dužan dostaviti po konačnosti rješenja o prijemu u radni odnos na određeno vrijeme u svojstvu pripravnika, o čemu će biti posebno obaviješten.

V. Ostale napomene

Prijem pripravnika vrši se na određeno vrijeme u trajanju od šest mjeseci, odnosno u trajanju utvrđenom članom 37. stav 3. Zakona o namještenicima u organima državne službe u Federaciji BiH, a radi stručnog osposobljavanja za samostalan rad.

O izvršenom izboru za pripravnika svi kandidati će biti pismeno obaviješteni.

VI. Rok i mjesto za podnošenje prijave

Odluku o izboru kandidata po ovom raspisanom javnom oglasu donosi rukovodilac organa državne službe Općine Travnik, odnosno općinski načelnik, na osnovu liste kandidata koji ispunjavaju sve uslove javnog oglasa, a koju utvrđuje Komisije za izbor.

Javni oglas ostaje otvoren 15 dana od dana objavljivanja, a bit će objavljen u dnevnim listovima: „Oslobođenje“, „Večernji list“, „Dnevni avaz“, te na web stranici Općine Travnik.

Prijave dostaviti putem pošte ili lično na adresu: Općina Travnik, Komisija za prijem pripravnika u radni odnos na određeno vrijeme, Konatur bb, 72270 Travnik.

Prijave se dostavljaju u zatvorenoj koverti sa naznakom „Za Javni oglas za prijem pripravnika u Općinu Travnik– ne otvarati!“

Nepotpune, neuredne i neblagovremene prijave neće biti uzete u razmatranje.



NAČELNIK
Admir Hadžiemrić, dipl.ecc.